



PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
Ustavno - pravna komisija
Broj: 01/1-011-1519/03
Sarajevo, 23.10.2003.

Z A P I S N I K

sa 16. sjednice Ustavno - pravne komisije

Sjednica je održana 23.10.2003. s početkom u 11,45 sati.

Sjednici su bili nazočni članovi svi članovi Komisije i to:

- | | |
|--------------------|-----------------------|
| 1. Beriz Belkić | 6. Tihomir Gligorić |
| 2. Mirsad Ćeman | 7. Martin Raguž |
| 3. Seada Palavrić | 8. Petar Kunić i |
| 4. Miro Ivo Jović | 9. Momčilo Novaković. |
| 5. Nijaz Duraković | |

Sjednici su takođe bili nazočni: zastupnik Hasan Muratović i Muris Kodžaga u ime Izbornog povjerenstva BiH.

Sjednici je bio nazočan i tajnik Komisije Milan Zjajić.

Predsjedatelj Komisije Mirsad Ćeman, je pozdravio goste i članove Komisije i predložio sljedeći:

D N E V N I R E D

1. Davanje mišljenja o amandmanima koje su uložili zastupnici: Hasan Muratović, Ivo Miro Jović i Milorad Živković na Prijedlog zakona o izmjenama i dopunama Zakona o sukobu interesa u institucijama vlasti Bosne i Hercegovine.
2. Ostala pitanja

Predloženi dnevni red je jednoglasno prihvaćen.

Ad. 1. Davanje mišljenja o amandmanima koje su uložili zastupnici: Hasan Muratović, Ivo Miro Jović i Milorad Živković na Prijedlog zakona o izmjenama i dopunama Zakona o sukobu interesa u institucijama vlasti Bosne i Hercegovine,

Predsjedatelj Komisije je podsjetio članove Komisije na zaključak Zastupničkog doma o produženju roka za ulaganje amandmana na Prijedlog zakona o izmjenama i dopunama Zakona o sukobu interesa u institucijama vlasti BiH. Zatim je pozvao tajnika da upozna članove Komisije o svim pristiglim amandmanima. Tajnik je upoznao članove Komisije da su u roku uloženi amandmani zastupnika Hasana Muratovića, Ive Mire Jovića i Milorada Živkovića, te da samo amandmani zastupnika Muratovića u potpunosti zadovoljavaju sve uvjete da se Komisija može o njima izjašnjavati, a da amandmani druga dva zastupnika su u stvari amandmani za Zakon o sukobu interesa u institucijama vlasti BiH, a ne na Zakon o njegovim izmjenama i dopunama i da se bez modifikacije nebi mogli prihvatiti. Naglasio je da su zastupnici Jović i Živković u međuvremenu izvršili modifikiranje, odnosno otklanjanje formalnih nedostataka i da tako modificirani mandmani mogu biti predmet rasprave, ali se otvara pitanje njihove validnosti, obzirom da su ispravke izvršene izvan roka koji je ostavio Zastupnički dom.

Zatim se razvila široka diskusija u kojoj su učestvovali svi prisutni i javljali se više puta za riječ. Između ostalog je konstatirano da se amandman koji je ranije uložio Petar Kunić i inkorporiran u tekst, odnosio na članak 11. stavak 2. Zakona o sukobu interesa u institucijama vlasti BiH, a ne na članak 1. stavak 2. pa je pogrešno inkorporiran u tekst Zakona o izmjenama i dopunama.

Vođene su i iscrpne rasprave o tome da li se mogu uvažavati amandmani kojima se mijenjaju člankovi izvornog zakona u slučaju da nisu obuhvaćeni Prijedlogom predlagatelja Zakona o izmjenama i dopunama. Kako je na kraju zaključeno da odredbe Poslovnika ne daju bilo kakva ograničenja odlučeno je:

Da se od Zastupničkog doma traži da zaključkom produži rok za ulaganje amandmana na još 10 dana kako bi svi ovlašteni predlagatelji imali mogućnost da ulažu amandmane kojima bi vršili popravke cijelog izvornog teksta zakona., a nakon tog roka Ustavno-pravna komisija će održati sjednicu i kvalitetnu raspravu i podnijeti izvještaj Domu o uloženim amandmanima.

Pošto je dnevni red bio iscrpljen predsjedatelj je u 13,00 časova zaključio sjednicu.

TAJNIK KOMISIJE
Milan Zjajić

PREDSJEDATELJ KOMISIJE
Mirsad Ćeman